

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

CLXXXIV.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

tinere velint, praefidiis firmatas. Retinet ergo legionem Helvicam, licet equitatum Germanicum dimiserit. Desiderant & Hugonoti cum complicibus pacem, ut qui gravissimè attriti, respirare saltem vellent, nec tamen committendum existimant, ut eam habeant intutam subdolanque. Et proinde in acie novaculæ jam res versatur. At quis omninò sit futurus eventus, dies paulò post declarabit. Condæus etiamnum apud nos degit sub Magistratus protectione, civibus parum gratus. Et quia ex suis quidam petulantius agere ceperant, graviter sunt multati. Cætus nostrus Ecclesiasticos accedit interdum, sed privatam domi habet communionem, non sine nostrorum scandalo. Si pax in Gallia sanciat, patriam repetet: sin abeat in ventum consilia, aliam suarum rerum rationem inibit necessariò. Si quid accepero certi, te non celabo. Bene vale in Christo Jesu cum uxore, filiis, totaq; familia & symmisticis fratribus. Salutant te Coccius, Fuglinus & Grynæus. Basileæ, 22. Aprilis, Anno 75.

R. d. t. totus ut semper

S. Sulzerus.

CLXXXIV.

Salutem in Christo.

SI durissimè mecum expostules, Reverende & Clarissime Vir, Domine & frater honorande, non habeo, quod opponam, nisi ingenuam peccati mei confessionem, nisi forte myriades negotiorum meorum clemens respicere, & mihi veniam dare digneris. Quid enim primo agam in tanta negotiorum multitudine, vix videam. Et nuncii cum accedunt, ego vel absūm, vel adeo occupatus sum, ut vix hincere possim. Et quantum de mea valetudine divinare possum, durabilis non erit, usque adeo video meas vires exhauriri. Dominus pro sua bona voluntate mecum agat, quod videbitur & ipsi & Ecclesiæ & meis bonum. Quod vero ad tuum negotium, seu potius Ecclesiæ & Scholæ attinet, vehementer miror, tamdiu extrahi; Sed spero hanc moram neque negotio ipsi, neque tibi, neque tuis nocituram. Habent sæpenumero magna commoda etiam breves moræ. Majora ergo, ut spero, magna hæc mora. Et si hostes tui, veritate armati essent contra te, fortassis non tam diu fuisset extractum. Nec ignoras, quam nunc occupatus sit DEUS negotiis in Gallia, Belgico, expeditione Turcica, ut fortassis interea tibi sit expectandum, donec sese expediverit, ut possit etiam in causâ tua judicare. Quapropter te per Christum Jesum, per tuam ipsius & Ecclesiæ salutem oro, ne te ipsum variis curis crucies, fecisti officium, quod reliquum est, DEO & Magistratui commendes. Utcumq; enim cadat, pura

T t t 2

est

est conscientia. Dominus faciet, de quo minimè dubites. Exemplum Epistolæ ad Bullingerum scriptæ accepi, cui respondet etiam Bullingeri labor & Collegarum ipsius, quibus respondebo brevi & spero tibi etiam responsum meum probatum iri. Est enim scriptum virulentum & verè Zvinglianum, in quo sese prodit spiritus mansuetudinis scilicet, de quo hætenus sunt gloriati.

Illyricum mortuum esse, non mei sed Ecclesiæ causa ago DEO gratias, fuit enim homo turbulentissimus. Et exigua spes de eo reducendo: Filius si quid machinabitur, habebit, qui eum reprimant, est enim audaculus. Tibi verò probari editionem colloqui Argentinensis, gaudeo, & audio ejus lectionem multos confirmasse, quosdam etiam in viam revocasse. In ejus editione & tui & tuorum mentionem feci vestris virtutibus & meritis dignam. Et scias, me ad vos omnes ornandos paratissimum esse. Bene & feliciter vale, & Collegio Ecclesiastico meo nomine reverenter salutem dicas. Raptim Tubingæ, 23. Aprilis, 75.

Tuus ex animo

Jacobus Andræ, D.

CLXXXV.

S. in Christo. Reverende & clarissime vir.

Significavit mihi, is, qui meas ad Excell. r. adfert, te nuper admodum literas ad me dedisse, ac jam responsum meum expectare. Ego verò jam longo tempore nihil me literarum ab Excell. tua accepisse eidem respondi. Itaque quid respondendum mihi sit, ignoro. Credo autem, Excell. tuam de statu Ecclesiæ nostræ, ex communi fama cognovisse. Magistratus superior jussit adversarios nostros, acerrime novum Illyrici Manicheismum defendentes, discedere. Sed illi magna pertinacia magistratus mandata contemnentes, occasionem præbuerunt, ut tandem vi expulsi sint, quamquam cum viderent, rem serio tractari, profugi facti sunt. Vagantur igitur in aliis locis, nec tamen quiescunt, quin literis nobis molesti sint, & oviculas antea perturbatas plus conturbent. Nobis igitur labores cumulantur & curæ augentur, ut rursus Ecclesiæ rectè constitui possint. Scribimus & erudimus seductos, ut in viam reduci possint. In quo auxilio DEI nobis & piorum precibus opus est. Mitto quædam, quæ proximis diebus edita sunt, eaq; Excell. r. judicio reverenter subjicio: Rumor apud nos increbuit, Illyricum Francofurti diem suum, inter ingentes cruciatus, obiisse. Utinam hoc ante aliquot annos factum fuisset, jam fortassis in Ecclesiis nostris pax & tranquillitas esset. Vidi colloquium Argentinæ habitum typis excusuræ, & gratulor Ecclesiæ de eo: ac gratias vobis omnibus ago, quod illud ædi-

cu-